



Kwetter Letter

NOMMER 9 VAN 2021 : 25/03/2021

| Lees asseblief alle inligting |



1. PERSONEEL BOODSKAP

“You can’t stop your children from growing up...
But you can be present, so you don’t miss your children growing up” !

(Aanhaling – skrywer onbekend).



HASIE KWASSIE SAL OP DONDERDAG, 1 APRIL 2021 OM 11:15 VIR DIE LANGNAWEEK SLUIT.
DIE NASKOOLSENTRUM SAL OOP WEES TOT 18:00 VIR NASKOOL-LEERDERS.

**DIE SKOOL EN NASKOOLSENTRUM SAL GESLUIT WEES
OP VRYDAG, 2 APRIL 2021 EN OP MAANDAG, 5 APRIL 2021.**



2. Verjaarsdae

- Baie geluk ook aan al ons Hasia Kwassie maatjies wat hul verjaardag in Maart vier! Geniet ‘n dag vol pret!

NB: Ons weet verjaarsdae is baie spesiaal, maar ons kan ongelukkig geen verjaardagpakkies, “cupcakes” of enige versnapperinge by die skool toelaat in die tydperk van Covid nie.



3. Buitemuurse aktiwiteite

Maandag	-	Playball ; Drama ; Ballet
Dinsdag	-	Gholf ; Swem
Woensdag	-	Netbal ; Rugby Akademie (Onthou tekkies)
Donderdag	-	Tennis - (Onthou tekkies) ; Swem
Vrydag	-	Dance Mouse

Playball	Debbie 082 440 4708	Gholf	Keagan 083 782 7781
Swem	Ellen 082 920 8747	Ballet	Karlien 083 297 5714
Netbal & Rugby Akademie	Venessa 083 660 4707 Dawid 081 575 2682	Tennis	Diaan 071 895 1619
Dance Mouse	Elden 078 998 3688	Drama	Lydia 073 829 0593

ONTHOU ASSEBLIEF:

- Alle buitemuurse aktiwiteite wat buite aangebied word, is onderhewig aan weerstoestande.
- Indien dit reën kan die aktiwiteit nie plaasvind nie.

*** KONTAK ASSEBLIEF DIE BETROKKE AFRIGTERS DIREK INDIEN U ENIGE NAVRAE HET.**




4. Tema vir die week

29/03/2021 - 01/04/2021

VORMS EN KLEURE

Alles bestaan uit VORM en KLEUR.



Vorms: Gesels met u kind oor die vorms van verskillende objekte, byvoorbeeld: pizza is "rond", maar 'n gesnyde pizza stukkie is 'n "driehoek".

Kleure: Wat is alles rooi, byvoorbeeld: tamaties en aarbeie.



5. Opvoedkundig

5.1 NUUSLÊER

- ❖ Die nuuslêer moet asseblief voor/op Maandag by die skool wees.
- ❖ U kan ook die Riebie-Klanke en alle inligting op die webwerf, www.riebie.co.za en **d6** lees.

5.2 KOM ONS WORD SLIM

Graad R-leerders:-

- ❖ Dit is belangrik dat die onderrigtaal van 'n kleuter baie goed vasgelê word.
- ❖ Woordeskat, sinskonstruksie, beskrywende woorde asook UITSPRAAK is van kardinale belang.
- ❖ Indien die voorgenoemde aspekte nie in u kleuter se voorbereidende Graad R-jaar behoorlik vasgelê word nie, gaan hy/sy in Graad 1 spel, lees, en skryf soos hy/sy praat.
- ❖ Let op die gebruik van Engelse woorde, soos: lunchbox; juice; change; tuckshop; sweets; ice-cream". Leer u kind asseblief om die korrekte Afrikaanse woorde te gebruik.

Graad RR-leerders:-

- ❖ Met die koeler oggende trek sommige leerders langmou trui en baadjies aan. Ondersteun jou kind en leer jou kind hoe om die baadjies en/of trui uit te trek.
- ❖ Let op die gebruik van woorde en taal by die huis. Leerders gebruik baie Engelse woorde. Leer u kind asseblief om Afrikaanse woorde te gebruik.

5.3 OUERONDERHOUDE

- ❖ Baie dankie aan die ouers wat die ouer-onderhoude bygewoon het. U belangstelling en positiewe gesindheid is belangrik vir u kind en word waardeer.



6. Algemeen

6.1 BELANGRIKE DATUMS

Teken asseblief die volgende belangrike datums in u dagboek aan :

Donderdae

Vrydae

25 Maart

1 April

22 April

23 April

3 Mei

Nuusboek

Nuusboek terug

Spogsakke gaan huis toe.

Hartjie-Dag

Paashoed-Dag

Skool sluit.

Skool heropen.

- *Verdere datums en inligting vir die res van die kwartaal sal bygevoeg word in lyn met die aangepaste skoolkalender.*

Hierdie program is onderhewig aan veranderings
 Verwys ook na die Riebie-Klanke
 Web & D6

6.2 KONTAK SKOOL

- ❖ Indien 'n Hasie Kwassie personeellid gekontak moet word, skakel asseblief tussen **10:30 en 11:00** en vra om met u kind se Juffrou te praat.

6.3 KUNSWEDSTRYD

- ❖ Oefening vind elke Maandag plaas. Alle inligting sal deur die drama juffou, Me. Lydia Swanepoel, direk aan ouers deurgegee word.
- ❖ Ondersteun asseblief u kind.

6.4 BUITESPEL

Leerders speel op Netbalbane / Rugbyveld soos volg:

Maandag	- 29 Maart	: Juffrou Cathy se leerders
Dinsdag	- 30 Maart	: Juffrou Lynette se leerders
Woensdag	- 31 Maart	: Juffrou Anke se leerders
Donderdag	- 1 April	: Juffrou Sonja se leerders

Belangrik: ONTHOU TEKKIES !!!

6.5 PAASHOED-DAG

- ❖ Ons vier Paasfees op 22 April 2021.
- ❖ U kan saam met u kind 'n paashoed maak vir die pret!
- ❖ Kom op die dag met jou hoed skool toe.
- ❖ Ons gaan pragtig lyk!



6.6 OUPA- EN OUMADAG

- ❖ Oupa- en Oumadag word vanjaar virtueel aangebied.
- ❖ Die opname sal in die 2^{de} kwartaal plaasvind.

Kleredrag – Seuns en Dogters

- Wit kortmou T-hemp.
- Denim langbroek.
- Tekkies.
- HK windjakkie indien die weer koel is.

Dogters se hare : Lang hare in 2 x poniesterte met WIT LINTE.

Seuns se hare : Kort en netjies.

Hou asseblief die Kwetter Letter dop vir verdere inligting.

6.7 OPNAME: GRAAD R & GRAAD RR

Ouers wat nog nie die opname voltooi het en wel voornemende Graad R of jonger kinders het, waarvoor hulle in die toekoms sal wil aansoek doen, kan steeds die vorm voltooi en e-pos na naomi@riebie.co.za.

6.8 PRETDAG – GRAAD R & GRAAD 1 - 2022

Die Prettdag vir voornemende Graad R en Graad 1 leerders vir 2022, sal op Saterdag 17 April 2021, plaasvind.

Voornemende Gr R en Gr 1 leerdertjies en hul ouers kan kom deel in die **ontdekkingsreis** enige tyd wat gerieflik is vir die gesin, tussen 08:00 en 10:00. (Ons versoek vriendelik dat geen boeties en sussies saamgebring word nie).

Leerders sal vandag, 25 Maart 2021, uitnodigings ontvang.

6.9 GRAAD R - 2022

Aansoeke vir **Graad R (2022)** by Hasie Kwassie open op **Woensdag, 5 Mei 2021**. Aansoekvorms sal eers beskikbaar wees vanaf die dag van opening, 5 Mei 2021, by Me. Naomi van Niekerk in die skoolkantoor. Die sluitingsdatum vir aansoeke is 9 Junie 2021, maar dit is wys om so gou moontlik na die openingsdatum aansoek te doen. Meer besonderhede oor die aansoekproses sal vooraf aan u gekommunikeer word. Hou asseblief die nuusbriewe en d6 dop in die verband. Die **amptelike inskrywing** van suksesvolle aansoekers sal **enige tyd vanaf Julie 2021 en einde Augustus 2021** plaasvind.

Ouers kan intussen gerus die volgende **verpligte stawende dokumente** gereed kry om saam met die aansoek in te dien:

- **Gesertifiseerde** afskrif van kind se Onverkorte (Unabridged) Geboortesertifikaat.
- Afskrif van Inentingskaart/rekord.
- **Gesertifiseerde** afskrifte van **beide** ouers se ID dokumente.
- Bewys van adres, nie ouer as 3 maande nie (W&L rekening, of amptelike huurooreenkoms op agentskap briefhoof, in die ouer se naam).
- Indien u nie die biologiese ouers is nie, dokumente wat u wettige voogskap bevestig.


6.10 GRAAD 1 - 2022

Die openingsdatum vir aansoeke vir **Graad 1 - 2022** is nog nie deur die Departement van Onderwys aangekondig nie.

Hou asseblief die media en die skool se nuusbriewe en skrywes dop vir die openingsdatum en vir meer inligting.

Sodra die datum aangekondig word, moet ouers vanaf dié spesifieke openingsdatum, ingevolge departementele riglyne, **AANLYN** by www.gdeadmissions.gov.za aansoek doen.

Die skool sal mettertyd meer inligting hieroor met ons ouers deel.



6.11 CANSA – SPAARVARKIE PROJEK.....

Die Riebies is deur CANSA genader om aan die “Piggy Run” deel te neem, waar geld ingesamel word vir kanker pasiënte. Hier by die “Riebie Familie” het ons al geliefdes aan die dood afgestaan as gevolg van kanker, en daar is steeds lede van ons “Riebie Familie” wat teen die siekte veg.

Elke graad het ‘n spaarvarkie ontvang waarin leerders hul bydrae kan kom ingooi. Leerders kan vanaf 19 Maart 2021 tot en met 22 April 2021 ‘n bydrae lewer.

Dankie vir almal se betrokkenheid en die verskil wat jul ook op hierdie manier in die gemeenskap kan maak.

6.12 HARTJIE DAG – OMGEE PROJEK

Die skool het besluit om op Donderdag, 1 April 2021, ‘n **HARTJIE DAG**, wat ‘n **OMGEE DAG** is, te hou.

Die kinders kan op dié dag gewone klere dra, verkieslik ROOI, om ons harte wat klop en ons omgee vir ander uit te beeld.

Die kinders betaal nie om gewone klere te dra nie, maar ons vra dat leerders ‘n donasie, in die vorm van byvoorbeeld ‘n blikkie kos of bottel sjampoe, as toegangsfooie sal saambring.

Sien asseblief die volgende items as voorstel vir elke Graad, maar u is welkom om enige ander nie-bederfbare produkte te stuur, soos dit u omstandighede pas.

- Gr R - Toiletware (Sjampoe; Tandepasta; Seep; ensovoorts).
- Gr 1 - Skoonmaakmiddels (Waspoeier; Jik; Skottelgoedseep; ensovoorts).
- Gr 2 - Koffie; Suiker; Tee; Rys; Pasta.
- Gr 3 - Blikkieskos (Tuna; Spaghetti; Corned Beef; Meatballs; Sousbone, ens.)
- Gr 4 - Blikkieskos (Tuna; Spaghetti; Corned Beef; Meatballs; Sousbone, ens.)
- Gr 5 - Broodsmere, Ontbytpap (Pronutro; Corn Flakes, Weetbix; ensovoorts).
- Gr 6 - Broodsmere, Ontbytpap (Pronutro; Corn Flakes, Weetbix; ensovoorts).
- Gr 7 - Longlife Melk; Mieliemeel; Koekmeel; Bruismeel; ensovoorts.

Dankie dat ons altyd op u positiewe bydrae kan staatmaak en so ons Riebie-gesinne in nood kan ondersteun.

NB:

Onthou dat die skool op Hartjie Dag om 11:15 sluit.





7. Finansies

BELANGRIK:

- Enige kontantgeld wat na die skool gestuur word (vir byvoorbeeld foto-gelde of instappies) moet in 'n geseëde koevert gestuur word, met u kind se naam en van, klas, bedrag, en waarvoor die geld bedoel is, duidelik op die koevert geskryf.
- Maak asseblief seker dat die korrekte / presiese bedrag ingesluit is.
- Hou asseblief by sperdatums wat aan u gekommunikeer word.
- Kram asseblief enige skeurstrokies of vorms aan die koevert vas. Moet dit asseblief nie saam met die geld in die koevert plaas nie.
- Ouers wat per EFT betaal, moet asseblief die bewys van betaling na die klasonderwyser stuur.

SKOOLGELDE VIR HASIE KWASSIE BELOOP R1530-00 per maand,
VOORUITBETAALBAAR VIR 12 MAANDE.

BANKBESONDERHEDE

Naam : LAERSKOOL VAN RIEBEECKPARK
 Bank : FNB (TJEK REKENING)
 Takkode : 205609
 Reknommer : 62749134243
 Verwysing : Gr R + Kind se naam & van

- Kontak Me Liesl van Straaten in die finansiële kantoor vir enige navrae.



8. Wagklas

29 Maart 2021 – 1 April 2021

12:30 tot 14:00

LOKAAL: Juffrou Lynette se klas

Wagklas roteer van klas tot klas, op weeklikse basis.
Slegs vir leerders met ouer boeties / sussies in Laerskool van Riebeeckpark.

GEEN SNOEPIE VOLGENDE VRYDAG

2 APRIL 2021

PUBLIEKE VAKANSIEDAG - PAASNAWEEK.



LYNETTE | SONJA | CATHY | ANKE | VERUSCHKA